

p. 81 line 3【徧滿十方】經：「於十方面。隨意變現。施作佛事。」《觀無量壽佛經疏妙宗鈔》卷4：「一一金色下。明能隨機利物。座觀若成。十方佛事隨觀皆觀。」(T37,p.219,c19-20)

p. 81 line 5【得成所由】元照《觀無量壽佛經義疏》卷3：「阿彌陀佛昔為國王。遇世自在王佛。棄國出家。法名法藏。發四十八願。彼國依報境界、身壽光明、種種莊嚴。一切果相皆願所成。豈唯華座。寄此點示。使知淨土即佛願體。願由心發。即佛心體。故知願力理絕言思矣。」(T37,p.295,a24-28)

戒度《觀無量壽經義疏正觀記》卷2：「良以菩薩欲成佛果。必於因地發行取土。以清淨心修清淨業。故至果上感清淨土。斯乃心淨土淨之正說也。如今安養。彌陀因中發無相願。修無作行。證無得果。所感身土無非實相清淨境界。所謂是本法藏比丘願力所成。豈與學空言、無實行、妄計心淨者。同日而語哉。」(X22,p.392,b17-22)

p. 81 line 7【除罪】《六祖大師法寶壇經》卷1：「吾有一無相頌，若能誦持，言下令汝積劫迷罪一時銷滅。頌曰：迷人修福不修道，只言修福便是道，布施供養福無邊，心中三惡元來造。擬將修福欲滅罪，後世得福罪還在，但向心中除罪緣，名自性中真懺悔。忽悟大乘真懺悔，除邪行正即無罪，學道常於自性觀，即與諸佛同一類。吾祖惟傳此頓法，普願見性同一體，若欲當來覓法身，離諸法相心中洗。」(T48,p.354,c24-p.355,a5)

《釋禪波羅蜜次第法門》卷2：「第二明罪滅階降不同者。懺法既有別異。當知滅罪亦復不同。所以者何？罪有三品：一者違無作起障道罪。二者體性罪。三者無明煩惱根本罪。通稱罪者。摧也。現則摧損行人功德智慧。未來之世三塗受報。則能摧折行者色心。故名為罪。一明作法懺悔者。破違無作障道罪。二明觀相懺者。破除體性惡業罪。故摩訶衍論云。若比丘犯殺生戒。雖復懺悔。得戒清淨。障道罪滅。而殺報不滅。此可以證前釋後。當知觀相懺悔。用功既大。能除體性之罪。三觀無生懺悔罪滅者。破除無明一切煩惱習因之罪。此則究竟除罪源本。第三明復本不復本相者。問曰：懺悔清淨得復本不？答曰：解者不同。有言不復。如衣破更補。雖完。終不如不破。有

言得復。如衣不淨。更浣淨。與本無異。有言。有復有不復。如律中所明。初二篇不復。後三篇可復。初教經所明。作羯磨懺悔四重悉復。今言不必定爾。應當對前三種懺法。還為三義：一者復義。二者過本義。三增上過本義。今當借譬顯之。一者作法懺悔。罪滅或復不復。如冷病人。服於薑桂。所患除差。身有復不復。二者觀相懺悔。非唯罪滅。能發禪定。此則過本。何以故？本無禪定故。如冷病人服石散等。非但冷除。亦復肥壯過本。三者觀無生懺悔。非唯罪滅發諸禪定。乃得成道。此為增上過本。如病服於仙藥。非直病除。乃得仙通神變自在。此而推之。豈得一類。」(T46,p.486,c2-29)

《阿彌陀經要解》卷1：「依一心說信願行。非有先後。亦非定三。蓋無願無行。不名真信。無行無信。不名真願。無信無願。不名真行。今全由信願而持名號。故一一聲中。信願行三皆悉圓具。所以名多善根福德因緣。觀經所謂：「稱佛名故。於念念中除八十億劫生死之罪。」此之謂也。若使善根福德不多。安能除罪如此之大。問：臨終念力猛切。故能除多劫罪。平日至心稱名。亦除罪否？答：譬如日出。群闇自消。稱佛洪名。萬罪自滅。」(T37,p.371,c29-p.372,a9)

p. 81 line -4【想佛】『想』：俱舍論以之為「十大地法」之一，唯識宗以之為「五遍行」之一。《俱舍論》卷一云(T29,p.4,a4)：「想蘊謂能取像為體，即能執取青黃、長短、男女、怨親、苦樂等相。此復分別成六想身，應如受說。」此中，所謂六想者，即指眼觸所生之想、耳觸所生之想，乃至鼻、舌、身、意觸等所生之想，隨所依六根之不同，而有六種不同之想。《成唯識論》卷三(T31,p.11,c22)：「於境取像為性，施設種種名言為業。」此謂「想」係取所緣境像於心中而安立之，以安立故，起種種名言。亦即若無此取像之想，則無由施設名言。『想佛』，觀想佛之相好，觀想純熟，則三昧現前。

p. 83 line 2【三身同證】《大方廣佛華嚴經》卷13〈10 菩薩問明品〉：「法王唯一法，一切無礙人，一道出生死。一切諸佛身，唯是一法身，一心一智慧，力無畏亦然。」(T10,no.279,p.68,c12-16)『一』，即平等無二之義。楞伽經云「四等」，謂諸佛如來名字（字等）、言語（語等）、現身（身等）、說

法（法等），平等不二，以顯佛佛道同也。

【三身】佛的三種身。又稱三佛或三佛身。其名稱、種別在經論中有多種異說。舉其主要者：(1)法身、報身、應身：古來被廣泛採用的三身名稱，論及諸種佛身義時，多用為標準。「法身」由真如的理體所證顯；「報身」是酬報因位無量願行的相好莊嚴身；「應身」是應所化眾生之機感而化現的佛身。以釋迦牟尼佛為例，王宮所生身是應身；有殊勝莊嚴淨土的是報身；證得實相真如之理，與此理無二無別、常住湛然的是法身。智顛在《法華文句》中，力主三身相即。三身即一，一身即三，是不縱不橫的妙身。法身及報身中的自受用身遍滿法界，他受用身與應化身也遍滿法界；眾生見他受用身、應化有大小之別，乃因根機不同所致。(2)自性身、受用身、變化身。(3)法身、應身、化身。～《中華佛教百科全書》

p. 83 line 2【無方】1. 猶言不拘一格。2. 謂變化無窮。3. 無與倫比。～《漢語大詞典》謂佛攝化眾生，泯絕方位之區別，無所際限，亦無一定之方法。方，指方所、方法。即縱橫自在，發揮妙用之意。臨濟錄序（T47,p.496b）：「妙應無方，不留朕跡。」蓋如來所立教法，遍滿十方，如同空界，群生萬類，普沾其利，不限一隅，故稱無方。～《佛光大辭典》

p. 83 line 2【法界】(1)法者諸法，界者分界，諸法各有自體，而分界不同，故稱法界。（如：十法界、十八界之法界）(2)法者諸法，界者邊際之義，窮極諸法的邊際，故稱法界。（盡虛空徧法界）(3)法者諸法，界者性之義，諸法在外相上雖千差萬別，但皆同一性，故稱法界。（即同「法性、真如」）(4)一一之法，法爾圓融，具足一切諸法，故稱法界。（華嚴之四法界）～《佛學常見辭彙》

p. 83 line 3【心徧等】《觀經定善義傳通記》卷第二：「心徧故解法界者。佛大悲心等觀眾生猶如一子。能知法界眾生心念。故名解法界。」

p. 83 line 3【無礙】華嚴經疏卷一載，謂盧舍那佛說華嚴經，現法界無盡身雲，真應相融，一多無礙。雖常在此處，而不離他處，雖遠在他方，而恒

住此方。身雖不異，而亦非一；同時異處，而是一身。蓋佛之體用，與法界同故。混萬化而即真，會精麤而一致。圓融無礙，隨機教異耳。毘盧遮那佛身具如下十無礙：用周無礙、相遍無礙、寂用無礙、依起無礙、真應無礙、分圓無礙、因果無礙、依正無礙、潛入無礙、圓通無礙。【事事無礙】謂現象界事事物物之關聯至為密切而交融無礙，具有『一多相即』、『大小相融』之殊妙義。乃華嚴宗顯示現象即本體之用語。此外，華嚴宗初祖杜順所立「三重觀門」之第三重「周遍含容觀」，即相當於事事無礙法界，乃謂：觀事事物物悉大小相融，一多相即，遍攝無礙，交參自在。～《佛光大辭典》

p. 83 line 6【即成斯義】元照《觀無量壽佛經義疏》卷3：「所以者何？觀佛其利安在？諸佛如來是法界身入一切眾生心想中。此中正說彌陀以法身體同故言諸佛。華嚴云：一切諸佛身，即是一法身。一心一智慧，力無畏亦然。此明諸佛果證法身無所不遍。則與眾生因地法身無二無別故。眾生作想。佛身隨應。疏云眾生心淨法身自在故。能入眾生心想中。如白日昇天。影現百川故。想佛心即是三十二相八十種好也。如勢至圓通云。十方如來憐念眾生。如母憶子。此明佛常念眾生。若子逃逝。雖憶何為。此明眾生不念。有應無感也。若眾生心憶佛念佛。現前當來必定見佛。去佛不遠。此明眾生念佛。感應道交也。此實彌陀世尊同體大慈悲善根力。隨緣赴感。應物垂形。不思議用。苟明此理。佛入何疑。」(T37,p.295,b26-c5)

p. 83 line -4【教諸想者具足觀】前疏文：「從頂至足。心想不捨。一一觀之。無暫休息。或想頂相。或想眉間白毫。乃至足下千輪之相。…佛相既現。眾好皆隨。」教諸行者須具足觀三十二相，但一一觀之；如前第3、4觀經文(p.66 & p.68)。大師《觀念阿彌陀佛相海三昧功德法門》卷1：「從頂上下至足千輻輪相已來。名為具足觀佛色身莊嚴功德。是名順觀。」(T47,p.23,a19-21)後經文云：「但觀眉間白毫，見眉間白毫相者，八萬四千相好。自然當現。」疏文：「不得總雜而觀，唯觀白毫一相。但得見白毫者。一切眾相自然而現。」

p. 83 line -4【依自信心緣相如作】《觀經定善義傳通記》卷第二：「作猶

造也。謂行者起信心緣佛相。此思想位漸作佛相。是故緣相似造作佛。故云緣相如作。是心是佛等者。謂依緣相。佛身即現。心不想佛。佛即不現。心想佛故。佛身即現。故離心外。全無佛現。故云是心是佛。此乃是心作佛。明其思想。是心是佛。明其見佛。」

然而《阿彌陀經疏鈔演義》卷1：「理得事彰者。理不自彰。由事乃彰。因念彌陀。方顯自性彌陀。因求淨土。乃悟唯心淨土。由是心是佛。方乃是心作佛。因是心作佛。方顯自心是佛故。」(X22,p.712,c21-24)卷3：「若論作是之義者。即不思議三觀也。何者？以明心作佛故。顯非性德自然有佛。以明心是佛故。顯非修德因緣成佛。即是而作。故全性成修。則泯一切自然之性。即作而是。故全修即性。則泯一切因緣之性。若其然者。何思不絕。何議不忘。」(X22,p.775,b11-15)

p. 83 line -2【佛作意不作意】《觀經定善義傳通記》卷第二：「若依性宗。諸佛利生無時不遍。何論作意及不作意。此文即是隨順小乘。…況次下文云。常能遍知。其實應無作意也。」【作意】心所名。相應於一切之心而起者，具使心驚覺而趣所緣境之作用。俱舍論四曰：「作意，謂能令心驚覺。」成唯識論三曰：「作意，謂能驚心為性，於所緣境引心為業。」～《佛學大辭典》

p. 83 line -1～p. 84 line 1【唯識法身觀等】《觀經定善義傳通記》卷第二：「義當淨影等三師。淨影云：云何名作。云何名是。兩義分別：一就佛觀始終分別。始學名作。終成即是。二現當分別。諸佛法身與己同體。現觀佛時。心中現者即是諸佛法身之體。名心是佛。望己當果。由觀生彼。名心作佛（天台同之）。嘉祥云。是心即是三十二相。即是應身。是心是佛。即是法身。是心作佛。即明二身因也。此三師解俱當唯識法身之觀。…二種觀義出占察經。…一者唯心識觀。二者真如實觀。學唯心識觀者。所謂於一切時一切處。隨身口意所有作業。悉當觀察。知唯是心。…如是觀察，一切法唯心想生。若使離心，則無一法一想而能自見有差別也。（乃至）知唯妄念。無實境界。勿令休廢。是名修學唯心識觀。…想見內外色。隨心生隨心滅。乃至習想見佛色身。亦復如是。隨心生。隨心滅。如幻如化。若學習真如實觀者。思惟心性無生無滅。不住見聞覺知。求離一切分別之想。乃至廣說。」